



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliae Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

54. An ad lucrandum Iubilaeum sufficiat indigna communio, seu facta in peccato mortali? Ex quo infertur, an si quis fecit intra hebdomadam Iubilaei confessionem, sacrilegam, sufficiat ad effectum ...

---

[urn:nbn:de:hbz:466:1-76369](https://nbn-resolving.org/urn:nbn:de:hbz:466:1-76369)

Videtur respondendum negatiue, quia constar de mente Pontificis. Verum non desinam hic adnotare contrarium docere Angelum Bossium de Iubilæo, lib. 4. cap. 10. num. 17. vbi sic ait: etiamsi in Bulla, sicut dicitur, ut fieret die Dominica, quæ ieiunia proxime sequitur, & non adderetur, seu in alio die dictarum hebdomadarum, adhuc mihi videtur probabile quod facis sit sumere Eucharistiam in alio die dictarum hebdomadarum antequam ieiunia sint completa, nam tunc dies Dominica non assignaretur communioni præceptiue, sed consultiue tanquam tempus magis congruum perfectissimo operi ob sui excellentiam requiritis maiorem operantis dispositionem, ad quam dispositionem conferunt ieiunia & elemosinæ, ac prout congruentius communio fit vltimo loco, quæ remissis ceteris operibus tanquam præuis dispositionibus. Confirmatur primò ex iis, quæ infra dicemus. Si enim satis est communicare Feria 2. post Dominicam, multo magis sufficit communicare ante dictam diem Dominicam. Confirmatur secundò ex dictis formis de Confessione. Et licet Sixtus V. in sua Bulla iubilæi anni 1585. ponat communionem vltimo loco, assignans illi diem Dominicam his verbis. Die vero Dominica, quæ dicitur elemosinas atque orationes proxime sequetur, sacrosanctam Eucharistiam deuotè accipiant. Propter quæ verba Bottonius in dictam Bullam, pag. 214. propos. 4. tenuit communionem de necessitate pro lucro dicti Iubilæi fuisse faciendam vltimo loco post reliqua omnia opera, & in die Dominica proxime sequente ieiunia. Nihilominus reliqui Summi Pontifices dum in suis Bullis Iubilæorum addiderunt illa alia verba, aut in alio die dictarum hebdomadarum, declararunt Papæ intentionem esse, quod licet conuenientius sit præmittere ieiunia, & postea die Dominica communicare. Vnde semper in Bullis prius præscribuntur ieiunia, & deinde communicatio; tamen hic ordo non est omninò necessarius. Quare dicta verba, aut altero die, &c. à posterioribus Pontificibus addita potius sunt, vt sæpe fit, ad tollendam omnem dubietatem, & scrupulos, quam ad faciendam nouam dispositionem. Ita Bossius qui etiam cum DD. à me citatis in 3. part. tract. 4. resolut. 150. probabiliter docet communionem factam in peccato mortali sufficere ad satisfaciendum oneri communionis inuicendo ad lucrandum Iubilæum, si eadem communicatio non sit vltimum opus in Iubilæo præscriptum. Et respondet ad argumentum pro contraria sententia datum in Iubilæo dicitur Eucharistiam sumendam esse reuerenter & deuotè, quod non potest dici de illo, qui illam sumit cum peccato mortali, respondet, inquam Bossius, quod illæ particule possunt sumi ad iurisdictionem, & non præceptiue, ita vt Papa solum intueatur & adhortetur fideles ad reuerenter & deuotè suscipiendum Eucharistia Sacramentum, consulendo illi, quod perfectius est, & securius, quo pacto explicet particulam, deuotè, Bottonius pag. 271. Si enim Papa præcipere modam Indulgentiæ & deuotionis, tanquam necessariam ad lucrandum Indulgentiam, is qui cum peccato veniali actuali, v. g. cum voluntaria distractione animi ad res vanas, & inutiles, vel ostentationis, & vanæ gloriæ causa, vel cum quocumque actuali affectu, aut proposito peccati venialis sumeret Eucharistiam ad satisfaciendum oneri communionis, non lucraretur Indulgentiam Iubilæam, quia non accederet deuotè, aut reuerenter, ergo, &c. Secundò illa particula, reuerenter, potest commodè intelligi de reuerentia quæ consistit, tum in externa compositione & modestia, qua fideles debent ad Eucharistiam accedere, tum in actibus internis qui non excludunt culpam mortalem habituales, vt sunt sumere Eucharistiam animo exercendi actum latriæ,

& cultus Christianæ Religionis, aut actum fidei externum, aut obediendi Ecclesiæ, vel Papæ, aut præbendi bonum exemplum ceteris fidelibus, iuxta quam acceptionem ille non reuerenter sumeret Eucharistiam, qui existens in peccato mortali illam sumeret solum animo peccandi, seu inferendi iniuriam Christo, & nullo modo neque virtualiter, neque formaliter ad aliquem finem honestum dictam communionem ordinaret; particula quoque, deuotè, non importat idem quod dignè, seu absque conscientia peccati mortalis ad Eucharistiam accedere, sed idem sonat quod attentè, seu mente non omnino ad aliud voluntarie distracta. Quare qui sumit Eucharistiam intentione aquali, vel saltem virtuali colendi Christum, vel lucrandi Iubilæum, seu obediendi Ecclesiæ, aut Papæ, etiamsi sit in statu peccati mortalis cogniti, dici potest sumere Eucharistiam deuotè, licet non sumat dignè.

2. Norandum est etiam hic obiter contra Fernandez in Medulla p. 3. cap. 8. §. 8. num. 3. & Zanardum in direct. Confess. p. 1. cap. 21. quest. 28. pueros ex defectu ætatis Eucharistiam suscipere non valentes, minimè satisfacere communicando spiritualiter adimplendo cætera opera in Iubilæo præscripta, nam in tali casu commutanda est communio in aliud opus pium, vt rectè obseruat Faustus de Iubilæo, lib. 4. quest. 49. sicut etiam infirmis & patientibus tussim, vomitum, vel quid simile, aut ei qui ex obliuione, & incuria, seu inaduertentia die designato communionis, nempe die Dominico, bibit, & ita in similibus casibus.

Sup. hoc magis late inf. in Ref. 54. §. pen. & vlt.

Sup. hoc magis late sup. in Ref. 38. §. vlt.

RESOL. LIII.

An si quis suscipiat Eucharistiam in peccato mortali, vel faciat confessionem sacrilegam, lucratur postea Iubilæo, si in vltima Iubilæi periodo per actum contritionis sit in gratia? Ex p. 3. tr. 4. Ref. 147. aliàs 148.

1. Negatiuam sententiam docent Sanctarellus in de Iubilæo cap. 7. dub. 2. & Petrus Proft in specielegio Theol. de Iubilæo c. 7. dub. 2. Zanardus in direct. confess. part. 1. de sacram. Pœnit. cap. 21. quest. 28. Alphonsus Leone tract. de Iubilæo part. 2. sect. 5. n. 108. & alij, quia Summus Pontifex confessionem validam, & communionem ritè factam exigit.

2. At ego opinionem contrariam non minus probabilem esse puto, quam tæuent Fernandez in exam. Theol. mor. p. 3. cap. 7. §. num. 1. Henriquez lib. 7. cap. 9. num. 5. & nouissimè Bartholomæus à Sancto Fausto de Iubilæo, lib. 4. quest. 46. quia non est necessarium (ait ille) vt quis sit in statu gratiæ toto tempore, quo singula opera facit, sed sufficit, vt in vltimo instanti, in quo vltimum opus perficitur, sit in gratia. Dicendum est igitur, quòd si in die Dominica in ipso Iubilæi termino in gratiam cum Deo talis rediret, obtineret quidem Iubilæum, non obstante, quòd confessio fuerit inualida, & communicatio in peccato mortali facta. Igitur vtraque opinio est probabilis.

Sup. hoc in Ref. præc. rita, §. 1. ad med. & vers. Ita Bossius qui, & in Ref. seq. §. 1. & 2. & superius in tr. 1. Ref. 5. §. vlt. cursum ad med. & inf. in tr. 5. Ref. 12. §. vlt. &c. Et pro confessione sacrilega in Ref. 2. huius not. in eius §. 2. ante med. à vers. Dubitabis an. & in aliis eius annot. & superius in tr. 3. ex Ref. 2. in §. vlt. ad med. vide eius doct.

RESOL. LIV.

An ad lucrandum Iubilæum sufficiat indigna Communio, seu facta in peccato mortali? Ex quo inferitur, an si quis fecit intra hebdomadam Iubilæi confessionem sacrilegam, sufficiat ad effectum Indulgentiæ habere contritionem ante finem hebdomadæ, an vero debeat iterum validè confiteri? Et an, si quis det alteri tempore Iubilæi elemosinam distribuendam, si iste talis non distribuatur, Indulgentiam non lucratur?

Et

Et quid, si tamen præcipiat Oeconomo, ut in tali casu det eleemosynam?

Et quid est dicendum, si emitteretur eleemosyna tempore Iubilæi ad pauperem distantem, ad quem non posset pervenire intra illam hebdomadam; an tunc eleemosyna non daretur intra tempus legitimum?

Et an in prædicto casu Iubilæi, si eleemosyna daretur ficto pauperi, lucraretur Iubilæum?

Et an si quis lucraturus Iubilæum consecratur, & antequam adimpleat opera iniuncta, incidat in mortale, teneatur iterum confiteri?

Et quid dicendum est de eo, qui in confessione facta de aliquo peccato obliuiscatur; aut ex causa inculpate peccatum aliquod in confessione omittitur?

Et an sufficiat Communio, qua præcedat tempus Iubilæi?

Et quid, quando plures Indulgentia eadem die diversis Ecclesiis concessa sunt iis, qui post confessionem, & communionem eas visitaverint & ibi oraverint; an tunc unica confessio, & communio sufficiat ad lucrandam utramque Indulgentiam?

Idem dicendum est, si Indulgentia non eadem die, sed sequenti, vel intra debitam distantiam occurrerit.

Et tandem queritur, an coniunctio Communione pro Iubilæo non afficiat pueros, & proinde non sit opus commutatione? Ex p. 10. tract. 13. & Misc. 3. Ref. 55.

Sup. hoc sup. in Ref. 52. §. 1. ad med. vers. Ita Bossius, & in Ref. 53. & superius in tr. 1. Ref. 5. §. ult. cursum ad med. & inf. in tr. 5. Ref. 12. §. ult. & hic sup. in Ref. 44. §. penult. & vit.

Sup. hoc in Ref. 2. not. præterit, & in Ref. 4. §. ult. & sup. ex Ref. 44. quævis recitari lege eius §. Nota hic, & magis late in Ref. 43. vide eam per tot. & signanter à §. Sed ego.

Quæ hic est sup. Ref. 52.

§. 1. Sententiam negatiam tenent Doctores, quos Sciat & sequitur Pasqualigus in *Praxi de Iubilæo, decis. 76. num. 3.* qui affirmatiuam sententiam omnino improbabilem putat.

2. Sed immerito, nec debet tot Doctorum viro- rum sententiam, nota improbabilitatis inurere: nam ita tenent Suarez, Filiucius, Henriquez Bonacina, Corduba, Faustus, & Fernandez, quibus addo Quintanaduënam de *Iubilæo duarum hebdomadarum, cap. 26. num. 3.* vbi sic ait. [E] que hiziera comunion sacrilega si despues hiziera la vltima diligencia en gracia, ganaria el Iubilæo sin ser necessaria otra Communio, que basta sea en si buena esta obra, y con ella se cumpliera, como cumple con el precepto de la Misa el dia de Fiesta el Sacerdote, que celebra en mortal. El que con confession informe, en que no recibiesse gracia, conulgasse con buena fe, sin otra Confession, ni Communio le gauana. Ita ille; & ante illum Eminentissimus Dominus meus Cardinalis Lugo, de *Sacram. Pœnit. disput. 27. sect. 3. num. 103.* vbi ita asserit: Dubitabis an si fecit aliquis intra hebdomadam Confessionem sacrilegam; sufficiat ad effectum Indulgentia habere contritionem ante finem hebdomadæ; an verò debeat iterum validè confiteri? Prima opinio dicit; non requiri secundam Confessionem. Contraria tamen sententia vera est: Probari potest ex his quæ diximus præceptum Ecclesiæ obligare ad confessionem validam, nec ei satisfieri per sacrilegam, & inualem confessionem. Similiter ergo, quando eadem Ecclesia confessionem exigit, de valida confessione intelligit; nam illa alia non est confessio, sed irritio. Circa Communione tamen, illam primam sententiam admitterem, vt licet sacrilega fuerit, non requiratur alia, cum re vera fuerit vera, & valida Communio, licet sine fructu propter obiectionem peccati. Hæc Lugo. Vnde contra id quod asserit Pasqualigus, hanc sententiam tanquam probabilem admittit doctus, & amicissimus Pater Gobat de *Iubilæo, cap. 26. quest. 69. numero 177.* sic asserens: Etiam qui sacrilegè communicat, ordinationi Pontificis Communione requirentis satisfacit, eò quod Sacrilega quoque Communio sit propriè dicta Communio. Et censet Diana *resol. 17.* post Bossium, hanc doctrinam esse veram etiam tunc, cum Pontifex di-

cit: Qui reuerenter, & deuotè communicauerit &c. eò quod per ly reuerenter, intelligi possit reuerentia, & modestia exterior: per ly deuotè, attentio interior, quam sufficienter habet is, qui sumit Eucharistiam intentione actuali, vel virtuali colendi Christum, vel lucrandi Iubilæum, seu obediendi Ecclesiæ, vel Papæ. Hæc vtraque doctrina est, ob auctoritatem, & ob rationes à Bossio allatas, probabilis. Sic ille, & iterum Ego: puto tamen sententiam negatiuam esse probabilioem.

3. Notandum est tamen hîc, me olim docuisse quod si quis det alteri tempore Iubilæi eleemosynam distribuendam, si iste talis non distribuatur, Indulgentiam non lucrabitur: Sed hanc sententiam impugnat Pasqualigus *vbi supra, questione 136. numero 3.* quibus poterat in sui fauorem etiam adducere Gobat de *Iubilæo, capite 30. questione 80. numero 121.* & Lezanam in *Summa, tomo 3. verb. Iubilæum, numero 14.* Sed ego sententia negatiuæ, cui adheci, nunc etiam adhaereo, & me citato illum tenet Leandrus *vbi supra, questione 49. Quintanaduënas, numero 12.* & amantissimus Dominus meus Cardinalis de Lugo, *num. 112.* vbi sic asserit: Dabitur circa eleemosynam, an sufficiat dare famulo, vt ipse det pauperi; si tamen ipse famulus postea non det. Affirmat aliqui; quia iam Dominus dedit ex parte sua. Secus esse, si solum præcipiat Oeconomo, vt det: nam præcipere non est dare? Quare Oeconomo non dante, non dedit Dominus eleemosynam. Veritas tamen credo, in neutro casu satisfieri; quia dare est transferre dominium: famulo autem non dante eleemosynam, nondum est translatum dominium, nisi forte aliquis iam pro ipso paupere acceptasset, tunc enim iam esset irrevocabilis donatio. Et ita videtur hanc partem tenere Corduba de *Indulgentiis, questione 26. dubio 2.* Vnde idem dicerem, si mitteretur eleemosyna tempore Iubilæi ad pauperem distantem, ad quem non posset pervenire intra illam hebdomadam: tunc enim eleemosyna non daretur intra tempus legitimum, cum posset reuocari mandatum toto illo tempore, nisi aliquis, vt prædicti, pro paupere acceptasset. Ita ille: *qui num. 113.* optime docet, quod dans eleemosynam ficto pauperi, lucraretur Iubilæum. Idem etiam tenet Quintanaduënas *numero 15.* Gobat *numero 222.* Leandrus *quest. 69.* cum aliis.

4. Notandum est etiam, Pasqualigum, *decisione 61.* docere, quod si quis lucraturus Iubilæum, consecratur, & antequam impleat opera iniuncta incidat in mortale, tenetur iterum confiteri. Sed ego contra. Primum docui, & nunc doceo; & me citato docet Leandrus *tom. 1. tract. 5. disp. 14. quest. 79.* qui idem dicitur affirmat de eo, qui in confessione facta de aliquo peccato obliuiscatur, aut ex causa inculpate peccatum aliquod in confessione omittitur. Et hæc omnia etiam docet Quintanaduënas *vbi supra, cap. 18. num. 7.*

5. Nota etiam hîc Pasqualigum, *quest. 77. num. 4.* docere, non sufficere communionem, que præcedat tempus Indulgentiæ. Sed debere esse communionem eiusdem diei, in quo statuta est Indulgentia. Quod ita accipi debet, vt si Indulgentia duret per plures dies, sufficiat in aliquo ipsorum sumplisse Eucharistiam. Si vero per vnicum diem, sufficiat sumere Eucharistiam illo die, vel die præcedenti, in Indulgentia incipiat à primis Vesperis. Sed contrariam sententiam tenet Cardinalis Lugo *vbi supra, num. 51.* sic asserens: Aduerte tamen, hoc non procedere, quan-

do plures Indulgentiæ eadem die diuersis Ecclesiis concessæ sunt iis, qui post confessionem, & communionem eas uisitaerint, & ibi orauerint: tunc enim unica confessio, & communio sufficit ad lucrandam utramque Indulgentiam, vt notauit Turrianus *vbi supra*, & Diana *tom. 4. tract. 4. Miscellan. resol. 166.* quia confessio & communio non videtur exigi directe, sed per se dispositiue ad maiorem dispositionem subiecti ad hanc intentionem. Vnde idem dicendum esset, licet secunda Indulgentia non eadem die, sed sequenti, vel intra debitam distantiam occurreret Ita Lugo; & postquam Gobat loco citato *num. 181.* cuius verba hæc sunt: *Indulgentiam dicendum esse, licet secunda Indulgentia non eadem die, sed sequenti, vel intra debitam distantiam occurreret, existimat Lugo loco citato post Comitolium, quæst. 39.* qui interrogatus, vtrum qui primo die Augusti Sacramenta confessionis, & communionis susceperant, nil plane cogitantes de Indulgentia, quæ omnibus confessis & communicatis proponebatur ad diem sextum eiusdem mensis, possent sine noua confessione, & communione lucrari illam Indulgentiam? Respondit posse, eam potissimum ob causam, quod illi, de quibus erat sermo, verè potuerint dici, esse confessi, & communicati. Comitulum integre sequitur Portel, *num. 5.* Et quando duobus diebus immediatis sunt duæ Indulgentiæ plenariæ, requirentes confessionem, & communionem, sentit cum Comitolo, Turrianus *in sel. disput. relatus à Diana, part. 4. quæst. 4. num. 166.* non dissentiente. Hæc Gobat; qui pro hac opinione citat etiam Escobar, quibus etiam adde me citato Quintanaduenam *vbi supra, num. 9.* & etiam me citato Lezanam, *in Summa, tom. 4. verb. Indulgentiam, num. 15.*

Et tandem nota Pasqualigum, *quæst. 81. num. 3.* firmare, quod iniunctio communionis pro Iubilæo non afficiat pueros, sed tantum eos, qui iam apti sunt ad suscipiendam Eucharistiam: & proinde non esse opus commutatione. Ratio autem est quia prohibetur à iure, seu consuetudine sumere Eucharistiam, & Pontifex id non ignorat; atque aded conditio communionis quoad ipsos est impossibilis de iure. Ergo non censetur imposita pro ipsis: nam conditio de iure impossibilis, etiam si apponatur, habetur pro non posita *cap. Iua, & cap. Requisiuiti de Testament. & Clement. 1. de Relig. domib.* Confirmatur. Cum Pontifex sciat pueros non posse sumere Eucharistiam, si etiam quod ad ipsos iniungeret hanc conditionem, frustra iniungeret, quia obstat ius, ne possit impleri.

7. Sed communis sententia est in contrarium, quam ego docui, & quam nouissimè tenet Quintanaduena *vbi supra, num. 4.* [No dixerón bien Fernandez, y Zanardo, que los niños incapaces de comulgar sacramentalmente comulgassen espiritualmente (como si fueran capaces para esta comunión no siendo para aquella) A los tales auer se esta de comutar en otra obra pia especifican Fausto de Iubilæo, lib. 4. quæst. 45. Lorenzo de sancto Francisco, notatione 8. y otros. Ni dno bien Fr. Filipe de la Cruz, tract. 1. §. 11. numero 3. Que los niños no comulgando ganauan el Iubleo, si hazian las demas diligencias. Aduiertase para este, y otros Iubleos, y para el articulo de la muerte la doctrina, que con tanta autoridad, y razones prueba Iuan Sanchez, *Select. disput. 26.* Que à los niños en llegando al uso de razon, ó años de discrecion aunque solos sean fiere, si saben distinguir lo malo de lo bueno; y qual es pecado, se à de dar y deue la Eucharistia, y que dello es capaz, el que lo es de la confesion, y que mas capacidad se requiere para esto, por ser mas difíciles de aprehender sus actos de examen, dolor, proposito, &c. que para à quella, que son mas fáciles: que alli no ay

pan, si no Christo, que se à da recibir en ayunas, y sin pecado grande, confessandolo antes.] Ita ille. Ea verò, quæ in hac, & sequenti Resolutione obseruabimus, dicta esse volo ad magis confirmandas aliquas opiniones à nobis alibi adductas, non quod existimem opiniones Patris Pasqualigi viri docti, & artificissimi, non esse satis probabiles.

Alibi in omnibus Ref. designatis in omnibus annotationibus huius Ref.

RESOL. LV.

*In præterito Iubilæo, cum quis illud obtinisset in prima hebdomada, incidit postea in casus reseruat, & fuit in secunda hebdomada iterum à quodam Confessario absolutus; quæsiuit à me dictus Confessarius, an peccauerit, & teneatur de errore admonere penitentem? Et resolutio huius casus pendet ex illa questione, an si quis priori hebdomada expleuit opera iniuncta in Iubilæo, & illud comparauit, possit in secunda hebdomada iterum lucrari, & à reseruatibus absolui? Ex p. 2. tr. 17. & Misc. 3. Ref. 89.*

§. 1. Respondi, esse maximam inter DD. difficultatem, an si quis priori hebdomada expleuit opera iniuncta in Iubilæo, & illud comparauit, possit in secunda hebdomada iterum lucrari, & à reseruatibus absolui; Negentem sententiam sustinet Layman *in Theol. mor. lib. 5. tract. 7. cap. 8. num. 9.* Sanchez *in sum. tom. 1. lib. 4. cap. 54. num. 30.* Suarez *de Relig. tom. 2. lib. 6. cap. 16. num. 21.* Bonacina *de Sacr. disp. 5. quæst. 7. punct. 5. §. 3. num. 17.* Rodriguez *in sum. tom. 4. cap. 188. num. 2.* & nouissime Raphael de la Torre *tom. 1. in 2. 2. quæst. 88. art. 1. 2. disp. 6. num. 8.* vbi ait. Annotandum est, falsam esse sententiam existimantem, quòd si quis in prima hebdomada factis omnibus diligentibus ad gratiam Iubilæi consequendam, obtineat voti alicuius commutationem; si postea iterum voueat, potest sequenti hebdomada, illius voti nouiter facti commutationem obtinere, si iterum faciat diligentiam ad consequendam gratiam Iubilæi necessariam, falsa, inquam, est hæc positio, quia in forma Iubilæi expressè habetur, gratiam consequendam esse, vna è duabus hebdomadibus disunctiue; ait enim, qui prima hebdomada post publicationem, vel in sequenti post illam.

2. At contraria sententia non falsa, vt ait Torres, sed probabilis visa est Bonacinae, qui contrariam opinionem vocat tantum probabiliorum: & illam absolute tuerentur hi omnes, Iacobus de Grassis *in appendice ad suas dec. lib. 2. cap. 5. n. 23.* Alphonus de Vega *in sum. tom. 2. cap. 7. cas. 19.* ex Societate Iesu Henriquez *de Indulg. lib. 7. cap. 11. num. 1. de penit. lib. 6. cap. 16. num. 3.* & Reginaldus *in sua praxi tom. 1. lib. 8. cap. 5. sect. 2. num. 64.* ex nostra religione P. Molfesius *in sum. tom. 1. tract. 7. cap. 16. num. 45.* quia, vt ipse ait, si propter opera indulgentia conceditur, & duabus vicibus quis adimplet opera in tempore præfixo, non est ratio conuincens, cur bis indulgentiam prædictam non lucretur. Deinde est valde probabile, indulgentiam tempore limitato concessam, modò in ea non limitetur, vt semel tantum acquiratur, posse plus quam semel comparari. Ergo, &c. Tertio, quia versamur in materia fauorabili, nulli perniciosa; ergo latam interpretationem admittit. Quarto, absolutio reseruatorum potest sæpius obtineri ante consecutionem Iubilæi; ergo etiam potest obtineri obtento Iubilæo, si tamen non sit transactum tempus Iubilæi.

3. Ad argumentum Raphaelis de la Torre & aliorum, respondetur ex mente nostri Molfesij, illam particulam disunctiuam respicere commoditatem ipsorum fidelium, vt qui non possit, vel nolit prima hebdomada opera adimplere, adimpleat in secunda. At non sequitur

Sup. hoc in Ref. seq. & in prima post. seq. à lin. 4. & in tom. 1. tr. 3. Ref. 160. §. Accedit paulo post initium, à vers. Ideoque, in to. 7. tr. 1. Ref. 109 §. 2. cursum ad medium.

N A  
O N I A  
L I V V  
I T I